

Disgrifiad Swydd

CYFARWYDDIAETH:	Gwasanaethau Cymdeithasol a Llesiant
ADRAN:	Gofal Cymdeithasol i Oedolion
SWYDD:	Gweithiwr Cymdeithasol 1, 2 a 3 – Tîm Anabledd Dysgu Cymunedol
GRADD Y SWYDD:	Gweithiwr Cymdeithasol 1 - Gradd 10 - Newydd Gymhwyso/Blwyddyn gyntaf yn ymarfer Gweithiwr Cymdeithasol 2 – Gradd 11 - Ar ôl cwblhau'r flwyddyn gyntaf o ymarfer Gweithiwr Cymdeithasol 3 - Gradd 12 - Yn amodol ar atgyfnerthu ac o leiaf 2 flynedd o brofiad ôl-gymhwyso.
YN ATEBOL I'R:	Uwch-ymarferydd – Tîm Anabledd Dysgu Cymunedol neu'r Gweithiwr Cymdeithasol Ymgynghorol – Tîm Anabledd Dysgu Cymunedol

DIBEN Y SWYDD:

A chithau'n weithiwr cymdeithasol yn y Tîm Anabledd Dysgu Cymunedol, byddwch yn darparu ymateb sy'n seiliedig ar gryfderau, sy'n canolbwyntio ar ganlyniadau i oedolion. Gan weithio o fewn dull amlddisgyblaethol, eich rôl fydd darparu gwasanaeth gwaith cymdeithasol, gan gynnwys asesu anghenion, a lle y bo'n gymwys cynlluniau gofal a chymorth a chynlluniau gofal a thriniaeth a fydd yn hyrwyddo annibyniaeth a llesiant unigolion, eu teuluoedd a'u gofalwyr, gan ganolbwyntio ar 'yr hyn sy'n bwysig' i bobl. Lle y bo'n ymarferol, byddwch yn canolbwyntio ar atal a hunanreoli, gan alluogi unigolion i gynnal annibyniaeth drwy gyfuniad o asesu, gofal a chymorth ac ymyriadau ymarferol eraill.

Gan weithio mewn tîm gwaith cymdeithasol, byddwch yn rheoli llwyth achosion wedi'i ddyrannu i gyflawni canlyniadau cadarnhaol i oedolion ag Anabledd Dysgu. Byddwch yn cynnig cyngor a chymorth i oedolion y mae angen cymorth arnynt i gynnal eu hannibyniaeth a'u llesiant a helpu i gyflawni eu canlyniadau y cytunwyd arnynt, yn ogystal â chynorthwyo gofalwyr yn eu rhinwedd eu hunain.

Byddwch yn mynd ati i hyrwyddo ein 'Model Ymarfer sy'n Seiliedig ar Gryfderau-Gweithio i Gyflawni Canlyniadau'.

PRIF GYFRIFOLDEBAU A GWEITHGAREDDAU:

- Meddu ar lwyth achosion cymesur a bod yn gyfrifol amdano, gan weithio mewn partneriaeth ag unigolion, eu gofawyr a'u teuluoedd, gweithwyr proffesiynol eraill, a sefydliadau gwirfoddol mewn ffordd sy'n seiliedig ar gryfderau, ac sy'n canolbwyntio ar ganlyniadau.
- Cwblhau asesiadau o ansawdd uchel o anghenion unigolion, eu teuluoedd a'u gofawyr gyda gweithwyr proffesiynol eraill a fydd yn arwain y gwaith o lunio'r cynlluniau gofal a chymorth perthnasol a chysylltiedig, a chynlluniau cymorth i ofalwyr.
- Ar gyfer pobl ag anghenion cymwys a nodwyd, byddwch yn datblygu ar y cyd â phobl, cynlluniau gofal a chymorth sy'n seiliedig ar gryfderau mewn partneriaeth â gweithwyr proffesiynol perthnasol eraill; adolygu a gwerthuso'r cynlluniau hynny i sicrhau eu bod yn cynorthwyo'r hyn sy'n bwysig i bobl.
- Gweithio'n effeithiol ac ar y cyd fel aelod o dîm amlbroffesiynol gan gyfrannu at weithio amlddisgyblaethol, integredig, gan gynorthwyo achosion risg uchel a chymhleth, cysylltu â thimau perthnasol eraill, adrannau'r Cyngor ac asiantaethau allanol yn ôl yr angen.
- Cynllunio a chomisiynu ymatebion sy'n sicrhau'r annibyniaeth fwyaf posibl a diwallu anghenion a nodwyd, monitro ac adolygu canlyniadau a gyflawnwyd gyda'r bobl rydym yn eu cynorthwyo a'u teuluoedd a'u gofawyr.
- Ar gyfer gweithwyr cymdeithasol yn eu blwyddyn gyntaf o ymarfer, cwblhau eu blwyddyn gyntaf yn ymarfer a'r rhaglen atgyfnerthu.
- Cydymffurfio â Fframwaith Rheoli Perfformiad y Gyfarwyddiaeth a gweithio o fewn y fframwaith deddfwriaethol, rheoliadol a pholisi perthnasol, a chod ymarfer a pholisïau cysylltiedig yn unol â threfniadau ymarfer ar y cyd.
- Rheoli adnoddau'r gyfarwyddiaeth a'r bwrdd iechyd fel y bo hynny'n cael ei ddirprwyo ac yn ôl y gofyn a bod yn gyfrifol am hyn.
- Cynnal cofnod wedi'i ddiweddarau ar y ffeiliau electronig, a dogfennau perthnasol fel sy'n ofynnol gan y gyfarwyddiaeth a'r bwrdd iechyd i gyrraedd safonau da ar gyfer arfer.
- Paratoi ar gyfer goruchwyllo ac adolygiadau datblygu personol a chymryd ynddynt gyda'r rheolwr llinell, a nodi anghenion datblygiad personol a hyfforddiant i gynnal gofynion cofrestru.
- Ymgymryd ag achosion oedolion sensitif, aciwt a chymhleth sy'n gofyn am baratoi a chyflwyno tystiolaeth gadarn mewn perthynas â chapasiti a risg, yn barod ar gyfer y Llys Gwarchod, yr Uchel Lys, tribiwnlysoedd Iechyd Meddwl, trafodaethau amlddisgyblaethol Adran 117, Trefniadau Diogelu wrth Amddifadu o Ryddid (Dols) a Llys y Crwner.
- Mynd ati'n rheolaidd i gynrychioli ac eirioli ar ran unigolion agored i niwed, teuluoedd a gofawyr gan sicrhau bod eu hawliau'n cael eu cadarnhau mewn fforymau gwahanol.
- Cynrychioli'r cyngor mewn lleoliadau amlasiantaethol a rhyngddisgyblaethol.
- Mynychu paneli ariannu a llety misol a chyflwyno adroddiadau asesu ynddynt.

- Mynychu paneli cyllido iechyd misol ar gyfer unigolion ag anghenion iechyd cymhleth y mae angen cyllid Gofal Iechyd Parhaus y GIG arnynt neu sy'n destun gwasanaethau ôl-ofal Adran 117 a chyflwyno adroddiadau asesu yn y paneli hyn.
- Cadw at weithdrefnau Diogelu Cymru Gyfan.

Gweithiwr Cymdeithasol 2 - Fel yr uchod ynghyd ag:

- Bod yn gyfrifol am sawl achos o gymhlethdod cynyddol gan gynnwys mwy o gymorth i achosion ag unrhyw achosion llys cysylltiedig, gyda'r cyfle i gydweithio.
- Mentora a chefnogi myfyrwyr gwaith cymdeithasol a chynorthwywyr gwaith cymdeithasol yn eu hymarfer.

Gweithiwr Cymdeithasol 3 - Fel yr uchod ynghyd â:

- Goruchwyllo myfyrwyr gwaith cymdeithasol ac aelodau eraill o staff iau;
- Rhoi cyngor ac arweiniad i weithwyr cymdeithasol llai profiadol;
- Ymgymryd ag achosion cymhleth, risg uchel, a fydd yn cynnwys mynd i'r llys;
- Arwain cydweithio â Gweithwyr Cymdeithasol llai profiadol mewn achosion cymhleth.

DYLETSWYDDAU CYFFREDINOL

Iechyd a Diogelwch

Cyflawni'r rolau a chyfrifoldebau cyffredinol a phenodol a nodir yn y [Polisi Iechyd a Diogelwch](#)

Cyfle Cyfartal

Sicrhau bod pob gweithgaredd yn cael ei weithredu yn unol â deddfwriaeth cyfle cyfartal ac arfer gorau.

Diogelu

Mae amddiffyn plant, pobl ifanc neu oedolion mewn perygl yn un o gyfrifoldebau craidd pob cyflogai. Dylid rhoi gwybod am unrhyw bryderon i'r Tîm Diogelu Oedolion ac Ansawdd neu'r Tîm Asesu Diogelu Plant.

Adolygiad a Hawl i Amrywio

Mae'r Disgrifiad Swydd hwn fel yr un cyfredol a chaiff ei adolygu'n rheolaidd. Efallai y bydd gofyn i chi gyflawni tasgau eraill y gellir eu neilltuo i chi'n rhesymol, gan gynnwys gweithgareddau datblygu, sydd o fewn eich gallu a'ch gradd.

GWIRIAD COFNODION TROSEDDOL (LLE Y BO'N BERTHNASOL)

Mae'r swydd hon yn ei gwneud yn ofynnol cael gwiriad cofnodion troseddol drwy'r Gwasanaeth Datgelu a Gwahardd (DBS)

Manyleb y Person

Gweithiwr Cymdeithasol 1, 2 a 3 - Tîm Anabledd Dysgu Cymunedol

Mae'r priodoleddau canlynol yn cynrychioli amrediad y sgiliau, y galluoedd a'r profiad ac ati sy'n berthnasol i'r swydd hon. Disgwylir i'r ymgeiswyr fodloni'r priodoleddau sydd wedi'u nodi fel rhai hanfodol.

Priodoleddau	Gofynion	Hanfodol	Dull Gwerthuso / Profi
Cymwysterau, Addysg a Hyfforddiant	- Gradd mewn Gwaith Cymdeithasol neu gymhwyster Gwaith Cymdeithasol arall a gydnabyddir gan Ofal Cymdeithasol Cymru. - Cofrestru gyda Gofal Cymdeithasol Cymru. - Addysg a Dysgu Proffesiynol Parhaus (CPEL) – Cwblhau'r Rhaglen Atgyfnerthu os ydych wedi cymhwyso ar ôl mis Ebrill 2016. - Ymarferydd wedi'i atgyfnerthu sydd â 2 flynedd o brofiad ôl-gymhwyso, a sgiliau amlwg ar gyfer cyfrifoldebau gweithiwr cymdeithasol 3.	Ydy Ydy Ar gyfer GC3 yn unig	Cyflwyno Tystysgrifau Cymwysterau gwreiddiol a ffurflen gais.
Gwybodaeth a Phrofiad	- Profiad o weithio gyda phobl, eu teuluoedd a'u gofalcwyr a chynnal asesiadau ohonynt, yn enwedig mewn amgylcheddau amlddisgyblaethol. - Gwybodaeth am weithio mewn tîm amlddisgyblaethol integredig a/neu brofiad o hyn. - Gweithio mewn partneriaeth â sefydliadau statudol/gwirfoddol i hyrwyddo annibyniaeth unigolion. - Gwybodaeth am bolisi, canllawiau statudol a'r gyfraith bresennol fel y maent yn cael eu cymhwyso a sut y maent yn effeithio ar bobl o ran darparu gwasanaethau gofal cymdeithasol. - Dealltwriaeth o reoli adnoddau yng nghydestun comisiynu cynlluniau ar gyfer gofal a chymorth. - Profiad o reoli llwyth achosion. - Profiad uniongyrchol o achosion cymhleth.	Ydy Ydy Ydy Ar gyfer GC3 yn unig	Cyfweliad, ffurflen gais, a phroses ddethol.

Priodoleddau	Gofynion	Hanfodol	Dull Gwerthuso / Profi
	- Profiad uniongyrchol o'r rôl Cydlynu Gofal, sydd â chyfrifoldeb cyfreithiol fel y'i dirprwywyd o dan Fesur Iechyd Meddwl (Cymru) 2010. - Profiad o waith llys a chyfreithiol.	Ar gyfer GC3 yn unig Ar gyfer GC3 yn unig	Cyfweiliad, ffurflen gais a phroses ddethol
Sgiliau a Rhinweddau Personol	- Gallu gweithio mewn ffordd sy'n seiliedig ar gryfderau, sy'n canolbwyntio ar ganlyniadau, gan nodi'r risgiau i annibyniaeth. - Gweithio yn unol â'r Cod Ymarfer Proffesiynol ar gyfer Gofal Cymdeithasol. - Sgiliau wrth asesu a dadansoddi gwybodaeth i gyflawni canlyniadau cadarnhaol i ddefnyddwyr gwasanaethau a gofalwyr. - Gallu gweithio'n effeithiol mewn lleoliad amlddisgyblaethol fel aelod o dîm. - Gallu ffurfio perthnasoedd gwaith adeiladol â chydweithwyr ac asiantaethau eraill. - Gallu gweithio'n annibynnol a cheisio cyngor yn ôl yr angen. - Gallu gweithio o fewn y fframwaith deddfwriaethol, polisiau a gweithdrefnau sefydliadau statudol. - Gallu blaenoriaethu a chymryd cyfrifoldeb am reoli llwyth gwaith a pherfformiad. - Gallu rheoli mewn amgylchedd prysur. - Gallu cyfathrebu'n glir ac yn effeithiol - Ymrwymedig a llawn cymhelliant. - Creadigol, pendant a blaengar. - Gallu ymgynghori â staff eraill a rhoi cyngor iddynt. - Gallu gweithio'n hyblyg ac yn rhagweithiol. - Ymrwymiad amlwg i gydraddoldeb ac arfer gwrthwahaniaethol. - Bod yn hyddysg mewn cyfrifiadura ac yn gallu cyflwyno gwybodaeth ar lafar ac yn ysgrifenedig.	Ydy Ydy Ydy Ydy Ydy Ydy	Cyfweiliad, ffurflen gais, a phroses ddethol.



Priodolddau	Gofynion	Hanfodol	Dull Gwerthuso / Profi
	• Trwydded yrru gyda mynediad i gerbyd. • Gallu gwneud penderfyniadau'n briodol. • Sgiliau ymchwiliol gwyb. • Gallu datrys problemau wrth weithio dan bwysau.	Ydy Ar gyfer GC3 yn unig Ar gyfer GC3 yn unig Ar gyfer GC3 yn unig	Cyfweliad, ffurflen gais, a phroses ddethol.
	• Gallu cyfathrebu drwy gyfrwng y Gymraeg.		